

趙亮杰居士述

文殊師利所說摩訶般若波羅密經貫述

新文豐出版公司印行

趙亮杰居士述

股	文
若	殊
波	師
羅	利
密	所
經	護
懺	摩
述	訶

新文豐出版公司印行

新文豐出版公司
PDF



照近士居杰亮趙者作

文殊師利所說摩訶般若波羅蜜經貫述

自序

般若爲成佛之母，不修般若就是不修佛乘。也就是說不透過般若，就不能走上成佛的康莊大道。何以故？佛道者，無障無碍，四通八達之道也。衆生皆有「人我執」與「法我執」，執則爲碍，起煩惱障，處處碰壁。夫般若者，梵語音譯，義譯妙智，它能透視諸般煩惱，皆由「執」起；「執」由「分別」；「分別」依於「人我」與「法我」；「人」「法」無「我」，猶一股份公司，假相（組織）名「我」；是爲「法人」，非「自然人」。不必壞其「人我」「法我」，任其大勢所趨，隨因緣生，隨因緣滅；緣至不拒，緣去不留；說實在話，來了當不住，去亦留不下！以此「法爾因果」觀察「人我」「法我」，及其附屬問題（亦名「我所有法」），煩惱則滅；以其了知「人我」「法我」，及以「我所」（連帶關係），皆是緣生幻有，「有」既非「有」，「滅」亦非「滅」；不過因盡緣散，化爲烏有而已！復觀一切「緣法」生生滅滅，點綴着大千世界如萬花筒，新陳代謝，千變萬化，萬劫常新！而此「覺了知性」與「法實際」，則不隨緣生，不隨緣滅；非「緣生法」，非「代謝法」，不新不舊，無聲無臭！亦無色彩，是無相法，是寂滅法。

衆生之異於諸佛者幾希，佛之「覺了知性」不隨緣轉，亦不隨着新陳（生死）代謝，亦不隨着藝術而藝術（不著），是故法眼清淨見「法實際」。凡夫之「覺了知性」，以「無明」故，隨緣而轉，又隨生死

（代謝）顛倒，奔逐藝術而藝術化！猶如雲馳月運，舟行岸移，亦如扣上彩色眼鏡，則見空花亂墜。以是之故，不但昧「法實際」，亦不了知「緣生如幻」！故於緣生緣滅，緣聚緣散之際，一把鼻涕一把淚！夫「實際法」本無盡相；若有「盡相」，世間則「窮」！譬如村童玩泥爲戲，一泥（喻實際法）在手，人、天、鬼、畜，及菩薩像，隨意捏造（喻緣生法），造了又摔，摔了又造（喻生死法）；而「實際法」（泥），不隨緣生，不隨緣滅，在天非天，在人非人，在凡非凡，在聖非聖；何以故？若天若人，若凡若聖，同住「實際」；亦如人、天、鬼、畜，及泥菩薩，同一泥巴，平等平等。是「平等法」（真諦）無有盡故，是故「現象世界」（俗諦）緣起無盡。此「實際法」若有盡者，大千世界，立即窮盡！所以者何？譬如麵粉，作成饅頭，不復再爲麵包，作成漿糊，不能再作麵條，是故有盡，盡則窮矣！此無他，以其隨著饅頭而饅頭，隨著麵條而麵條，失其平等性故（此喻衆生執着，執「相」昧「性」）。當知「法性」無盡，是故「緣起」無盡；可是衆生著「相」昧「性」，妄見「相」盡「性」亦盡，猶如麵粉盡則一切麵食盡也。故知衆生知見，隨緣起轉，隨生死迷，隨著藝術而藝術，是故法眼朦朧，將實際法，隨著「舟行」妄見「岸移」，隨著「昏目」妄見「空花」，此即衆生與佛之不同也。

若能透視緣生如幻，法性平等，是爲般若。此般若法衆生本具，皆因一念著相，則「無明」興而「般若」隱。是故佛說般若經，乃爲啓發衆生固有之智慧藏，是爲「文字般若」。此「文字般若」者，即「般若學」，亦即俗稱「哲學」是也。此「般若學」原爲啓發「實相般若」；「實相般若」者，即「般若體」，乃超學術境界，不可以「哲學」論也。中間所謂「觀照般若」，乃依於「文字」塑造義境，轉向外奔放之「第六意識」爲「妙觀察智」，對此「義境」微密觀照，觀至能、所雙忘，即證「實相般若」。此經乃

佛與文殊直接對白，句句皆在迷、悟之際，不容思維分析；乃以「文字般若」直示「實相般若」，是爲正直捨方便，但說無上道。聽法者，應當即聞即了，無復餘疑；否則，再加解釋，祇能助「觀照」之功，不能收「頓悟」之效！筆者以此經微妙，百讀不厭！試加詮釋，號曰「貫述」，望讀者先讀卷首原文，若能直接獲益，當勝「貫述」。否則再讀「貫述」以作參考，可助「觀照」之功也。附加偈頌，以味塵、味覺薦取「實相般若」。偈曰：

若酸若甜本實相， 知酸知甜是良知。 愛酸惡甜是習慣， 是酸非甜是顛倒。
良知豈有酸甜愛？ 酸甜亦無美惡分。 拋却習慣名正受， 不隨顛倒是良知。
如是分別諸法相， 於第一義而不動。 諸君若能如斯會， 摩訶般若波羅蜜。

中華民國六十八年歲次己未孟秋 魯東趙亮杰序於臺北寓所

文殊師利所說摩訶般若波羅蜜經貫述目次

自序

一、文殊師利所說摩訶般若波羅蜜經卷上……………〇一

二、文殊師利所說摩訶般若波羅蜜經卷下……………一七

三、文殊師利所說摩訶般若波羅蜜經貫述卷上……………〇一

題前概說……………〇一

1 貫述宗旨……………〇一

2 本經義趣……………〇一

3 撰述緣起……………〇二

4 本經譯者簡介……………〇三

5 本經教化對象……………〇四

6 略釋經題……………〇五

7 說法處所……………〇七

8 說法聖地緣起.....〇七

9 名詞註釋.....一〇

正釋經文 甲、序分.....一一

1 通序.....一一

2 別序.....一二

乙、正宗分（上）.....一三

1 正觀如來啟示衆生.....一四

2 世尊印證.....一六

3 身子讚歎.....一七

4 文殊印可其說.....一七

5 身子質疑.....一八

6 文殊答難.....一八

7 佛爲衆會詰難文殊如埋回答.....一八

8 佛陀印證.....二一

9 缺漏部分.....二二

10. 佛復勘問文殊作答·····	二三
11. 佛詰思惟義·····	二三
12. 文殊答思惟義·····	二三
13. 佛陀欣悅印證並許聞法不驚善根深厚·····	二六
14. 文殊申請重說·····	二六
15. 佛與文殊對白辯難·····	二八
16. 與會賢聖各敘所見·····	三〇
17. 佛爲諸賢聖印證·····	三一
18. 佛勘問阿耨多羅三藐三菩提義·····	三一
19. 世尊印證文殊反難·····	三二
20. 舍利弗與文殊師利辯難·····	三三
21. 非初學菩薩暨諸二乘所能了知·····	三五
22. 身子質疑文殊作答·····	三五
23. 二聖徵答·····	三八
24. 名詞註釋·····	四八

四、文殊師利所說摩訶般若波羅蜜經貫述卷下……………五七

乙、正宗分（下）……………五七

1 阿難問瑞……………五七

2 諸聖對白……………五七

3 不思議三昧……………五八

4 住無所住……………五九

5 不退智相……………六三

6 如來智相……………六四

7 諸聖讚歎……………六五

8 欲知諸法實相當學般若波羅蜜……………六七

9 欲證佛果當學般若波羅蜜……………六八

10 般若波羅蜜相與一行三昧相……………七五

11 何等善根堪能信受……………八〇

丙、流通分……………八四

1 佛陀叮嚀……………八四

2 帝釋護法·····	八五
3 名詞註釋·····	八八
4 名詞索引·····	九六

文殊師利所說摩訶般若波羅蜜經卷上

梁扶南國三藏沙門曼陀羅仙譯
民國鄺波索迦趙亮杰分段標點

如是我聞：一時，佛，在舍衛國，祇樹、給孤獨園。與大比丘僧，滿足千人。菩薩摩訶薩，十千人俱。以大莊嚴而自莊嚴！皆悉已往不退轉地。

其名曰：彌勒菩薩，文殊師利菩薩，無碍辯菩薩，不捨擔菩薩，與如是等大菩薩俱。文殊師利童真菩薩摩訶薩，明相現時，從其住處，來詣佛所，在外而立。

爾時，尊者舍利弗，富樓那彌多羅尼子，摩訶目犍連，摩訶迦葉，摩訶迦旃延，摩訶俱絺羅，如是等諸大聲聞。各從住處，俱詣佛所，在外而立。

佛知衆會皆悉集已。爾時如來從住處出，敷座而坐。告舍利弗：「汝今何故於晨朝時在門外立？」

舍利弗白佛言：「世尊！文殊師利童真菩薩先已至此住門外立，我實於後晚來到耳。」爾時世尊問文殊師利：「汝實先來到此住處，欲見如來耶？」

文殊師利即白佛言：「如是世尊！我實先來欲見如來。何以故？我樂正觀利益衆生。我

觀如來如如相，不異相；不動相，不作相；無生相，無滅相；不有相，不無相；不在方，不離方；非三世，非不三世；非二相，非不二相；非垢相，非淨相。以如是等正觀如來利益衆生。」

佛告文殊師利：「若能如是見於如來，心無所取，亦無不取；非積聚，非不積聚。」

爾時舍利弗語文殊師利言：「若能如是如汝所說見如來者，甚爲希有！爲一切衆生故，見於如來；而心不取衆生之相。化一切衆生向於『涅槃』，而亦不取向『涅槃』相。爲一切衆生發大莊嚴，而心不見莊嚴之相。」

爾時文殊師利童眞菩薩摩訶薩語舍利弗言：「如是，如是！如汝所說，雖爲一切衆生發大莊嚴，而衆生趣亦不增不減。假使一佛住世，若一切，若過一切，如此一佛世界，復有無量無邊恒河沙諸佛；如是一一佛，若一切，若過一切，晝夜說法，心無暫息；各各度於無量恒河沙衆生皆入『涅槃』；而衆生界亦不增不減。乃至十方諸佛世界，亦復如是；一一諸佛說法教化，各度無量恒河沙衆生皆入『涅槃』；於衆生界亦不增不減。何以故？衆生定相，不可得故。是故衆生界不增不減。」

舍利弗復語文殊師利言：「若衆生界不增不減，何故菩薩爲諸衆生求『阿耨多羅三藐三菩提』常行說法？」

文殊師利言：「若諸衆生悉空相者，亦無菩薩求『阿耨多羅三藐三菩提』，亦無衆生而爲說法。何以故？我說法中，無有一法當可得故。」

爾時佛告文殊師利：「若無衆生，云何說有衆生及衆生界？」

文殊師利言：「衆生界相，如諸佛界。」

又問：「衆生界者，是有量耶？」

答曰：「衆生界量，如佛界量。」

又問：「衆生界量，有處所不？」

答曰：「衆生界量，不可思議。」

又問：「衆生界相，爲有住不？」

答曰：「衆生無住，猶如空住。」

佛告文殊師利：「如是修『般若波羅蜜』時，當云何住『般若波羅蜜』？」

文殊師利言：「以不住『法』爲住『般若波羅蜜』。」

佛復問文殊師利：「云何不住『法』名住『般若波羅蜜』？」

文殊師利言：「以無住『相』，卽住『般若波羅蜜』。」

佛復告文殊師利：「如是住『般若波羅蜜』時，是諸善根，云何增長？云何損減？」

文殊師利言：「若能如是住『般若波羅蜜』，於諸善根，無增無減。於一切法，亦無增無減。是『般若波羅蜜』性、相，亦無增無減。」

世尊！如是修『般若波羅蜜』，則不捨凡夫法，亦不取賢聖法。何以故？『般若波羅蜜』，不見有法可取可捨。如是修『般若波羅蜜』，亦不見『涅槃』可樂，『生死』可厭。何以故？不見『生死』，況復厭離？不見『涅槃』，何況樂著？

如是修『般若波羅蜜』，不見垢惱可捨，亦不見功德可取。於一切法，心無增減。何以故？不見『法界』有增減故。

世尊！若能如是，是名修『般若波羅蜜』。

世尊！不見諸法有生有滅，是修『般若波羅蜜』。

世尊！不見諸法有增有減，是修『般若波羅蜜』。

世尊！心無怖取，不見『法相』有可求者，是修『般若波羅蜜』。

世尊！不見好、醜，不生高、下，不作取、捨，何以故？法無好、醜，離諸相故。法無高、下，等『法性』故。法無取、捨，住『實際』故。是修『般若波羅蜜』。

佛告文殊師利：「是諸佛法，得不勝乎？」

文殊師利言：「我不見諸法有勝『如』相，如來自覺一切法空，是可證知。」

佛告文殊師利：「如是，如是！如來正覺，自證空法。」

文殊師利白佛言：「世尊！是空法中，當有勝『如』而可得耶？」（此處經文似有缺漏）

佛言：「善哉！善哉！文殊師利！如汝所說，是真法乎？」（此處經文似有缺漏）

佛復問文殊師利言：「『阿耨多羅』是名佛法不？」

文殊師利言：「如佛所說，『阿耨多羅』是名佛法。何以故？無法可得，名『阿耨多羅』。如是修『般若波羅蜜』，不名『法器』，非化凡夫法，亦非佛法，非增長法，是修『般若波羅蜜』。

復次世尊！修『般若波羅蜜』時，不見有法可分別思惟。」

佛告文殊師利：「汝於佛法不思惟耶？」

文殊師利言：「不也，世尊！如我思惟，不見『佛法』，亦不可分別是『凡夫法』，是『聲聞法』，是『辟支佛法』；如是名爲『無上佛法』。

復次，修『般若波羅蜜』時，不見凡夫相，不見佛法相，不見諸法有決定相，是修『般若波羅蜜』。

復次，修『般若波羅蜜』時，不見『欲界』，不見『色界』，不見『無色界』，不見『

寂滅界』，何以故？不見有法是盡滅相，是修『般若波羅蜜』。

復次，修『般若波羅蜜』時，不見作恩者，不見報恩者，思惟二相，心無分別，是修『般若波羅蜜』。

復次，修『般若波羅蜜』時，不見是『佛法』可取，不見是『凡夫法』可捨，是修『般若波羅蜜』。

復次，修『般若波羅蜜』時，不見『凡夫法』可滅，亦不見『佛法』而心證知，是修『般若波羅蜜』。

佛告文殊師利：「善哉！善哉！汝能如是善說『甚深般若波羅蜜相』，是諸『菩薩摩訶薩』所學『法印』；乃至『聲聞』『緣覺』，『學』『無學』人，亦當不離是『印』而修『道果』。」

佛告文殊師利：「若人得聞是法，不驚、不畏者！不從千佛所種諸善根，乃至百千萬億佛所久植德本！乃能於是『甚深般若波羅蜜』，不驚，不怖！」

文殊師利白佛言：「世尊！我今更說『般若波羅蜜』義。」佛言：「便說。」

「世尊！修『般若波羅蜜』時，不見法是應住，是不應住；亦不見境界可取、捨相。何以故？如諸如來不見一切法境界相故。乃至不見『諸佛境界』，況取『聲聞』、『緣覺』、